

兩  
浙  
名  
賢  
錄

兩浙名賢錄卷四十九目次

方技

明

貝國器

盛子昭懋

蔡公達

徐和仲詵

宋授之杞

項賢甫

單俊良

周玄真

協律郎冷啓敬謙

吳國才

翰林侍書宋子夷惲

鄭孟純

太常寺丞袁廷玉珙

子忠徽附

劉日新

王與立權

孟月庭

呂玄英復

朱月鑑

太醫院使戴原禮思恭

魯府良醫正周景暹道觀

韓採芝履祥

孫本附

樓得達

胡公惠廷鉉

楊尹銘張璟附

沈野雲

胡元海大瀾

東杞山附

太常寺卿林以成章

太僕寺少卿姜立綱

楊宗敏

王子約約

徐良甫徐祥舉附

俞用古

惟一子柴用先

族子壯附

俞存熙

子原澤附

季董

刑部主事俞公廣得濟

鄒玄真

裴文壁日英

戴文進進

子泉婿王世祥附

胡任之弘

欽天監副貝宗器琳

錦衣呂廷振紀

吳邦畿金陵

味易先生倪應奎光

葉玄

蕭氏

王坡

太醫院使楊云

曾祖進祖景希父恭附

太醫院判葛茂林林

太醫院判徐文蔚彪

張景嵩崙

禮部尚書許大章紳

陶尚文華

太醫院使徐叔拱樞

王一清乾

俞漢遠鵬

范行式摹

邵太初

吳友清附

胡日章

吳如心恕

徐芳遠蘭

胡彥信忠

希趙道人

吳綬

王養蒙

孫公銳鉞

詹仲和傳

張壹民員

朱克正端

朱燕夫俸

陳以誠

趙九成附 范洪

沈嵩高

張秋蟾德輝

爰廷肅珪

吳東升

嚴觀附 弟秦

王廷直諤 蕭鳳直 鎮附

朱自方

嚴宗仁元

工部右侍郎談舜賢相

諸原靜餘齡子慶 環附

張文樞胡欽亮徐上元孟 土洞莫廷賜附

姚懋良能

陳叔謙

宋宗遠

陳言

雲洞子周繼志述學

石以明銳

周宗盛頌

王世英奇

凌漢章

海寧衛指揮王載之軒

陸彥清大朝

中書舍人錢子仲仲

聶瑩

俞天錫恩

子舜臣附

賀汝瞻岳

岑乾

齊甲附

兩浙名賢錄卷之四十九

東海徐象梅仲和氏譔

錢唐何振鷺于西氏閱

方技

明 共一百一十四人

貝國器

貝國器郭店人，居海寧之烏鵲橋，有異術。弟子欲學之，不傳也。乃俟其遠出，將開筭竊其書，既而發之，見國器在筭中。吳元年，與鐵冠道人俱遊白下，同宿。值高皇



帝微行假榻焉。因無枕以斗爲枕而寢。國器夜出視天。曰。帝星臨斗。上遽昂首聽之。鐵冠曰。尚離尺餘也。上大驚。明日召二人至。問國器以國號。對曰。當是大明。問鐵冠以年號。對曰。當是洪武。皆上心所默定者。益異焉。然恐其惑衆。將殺之。俄而隱形去。不復見。

盛子昭懋

父洪甫從子著附

盛懋字子昭。魏塘人。父洪甫善畫。懋世其業。山水人物。花鳥。種種臻妙。始學陳仲美而略變其法。人謂精緻有餘。特遇巧耳。其姪著字叔彰。能全補國圖。運筆着色。具

古人不殊洪武中供事內府太祖高皇帝異之著盛  
叔彰全圖記

柴公達

柴公達衢之江山人自號無爲道人有道術洪武中寓  
龍虎山與張真人游一夕真人欲警夜公達曰毋徒勞  
人吾已役神兵主之矣是夜鈴柝之响達曙真人嘗遇  
公達夜歸見其假電燭途其明如晝真人大異之自以  
爲不能及

徐和仲說

徐詵字和仲其先錢塘人後父宦游四明因家焉詵性  
謹厚篤學以春秋教授鄉里洪武間成祖在潛邸以  
能琴召錫賚殊厚既歸舉明經爲邑學訓導卒於官詵  
自曾祖逮其父皆以琴名世而詵尤妙得心應手趣自  
天成時游江湖大爲知音者推讓有薛生者不知何郡  
人善琴搯烏夜啼號薛烏夜每請和仲鼓之弗許薛求  
好事者邀和仲爲鼓此曲薛生隔壁潛聽既已趨出拜  
伏几下曰願爲弟子幸不虛此生以故稱徐門琴曰浙  
搯所製有文王思舜搯凡爲訂正者號爲神品曰梅雪

實則酒譜

朱授之杞

宋杞字授之錢塘人前元鄉貢進士達於經史善四山水學馬遠夏珪妙處咄咄逼人

項賢輔

項賢輔龍泉人博雅能詩工草書得張顛筆法興至如瀉龍蛇滿紙人有得其書者持以易鹽鹽商計字酬之每字酬鹽百斤遂擅名一時稱曰草賢

單俊良

單俊良蕭山人國初創國籍畧數上其式有詔命天下  
法之又以踏車灌田之勞漸造牛車以機輪轉之今鄉  
之牛車單制也

周玄真

周玄真海鹽人受靈寶大法能呼風雷洪武初入京  
雨雪輒應數召賜坐燕勞稱爲鶴林高士

協律郎冷啓敬謙

冷謙字啓敬嘉興人洪武初爲協律郎郊廟樂章多其  
所撰有友貧不能目存謙於壁間回一門命其友入次

取金玉以出而不覺遺其引他日內庫失金守藏吏按  
引姓名迹捕之因并執謙謙渴求飲拘者以瓶汲水與  
之謙且飲隨以足插入瓶中身漸隱拘者惶急謙曰無  
害第持瓶至御前拘者如其言上問謙瓶中何物  
上曰何不出瓶中曰臣有罪不敢出上屢呼之輒應  
而不出上怒擊碎之片片皆應竟不知所在後有人  
於蜀中見之

吳國才

吳國才奉化白巖人悉心磨舉之術言屢巧中遠遊歸

訪縣故舊不在其孫開肆乃索紙筆爲書緘臂而去祖  
歸孫曰頃有吳叟留書祖啓視之曰此吳國才先生也  
風塵入神火游始回書中云相汝色汝婦當有粉骨碎  
身之災其慎之及期俾婦宴坐新室竟日不出抵暮食  
既至厨啓檻取水虎爪之入山以食門人袁廷玉嘗侍  
太宗皇帝一日問其受業之自以國才對召至試之果  
驗將寵錫以官國才以福薄辭亡何果卒

翰林侍書宋子夷傳

宋鐸字子夷翰林學士漁之孫中書舍人璉之子漁以

孫慎果舉室徙夔州璉亦死家難璉書甚工當時稱爲國朝義順傳奉母諱居思紹父學晝則臨池夜則畫腹蜀獻王問其勤時果帛由是得專其學建文君念漁爲皇考舊學之臣召擇還以爲翰林侍書擇書與劉彥銘朱思平皆名輩朝間而漁門人以能書有聲者同郡樓璉滿江鄭楷云

鄭孟純

鄭孟純麗水人多藝術尤精音律洪武初詔州縣儒學以雅樂釋奠頒其成書於天下時無知者孟純獨能按



唐書

卷之四十九

五

光緒

其音律以教諸生。上聞而嘉之。詔入成均與冷謙等共定一代之樂。

太常寺丞袁廷玉珙

子忠微附

袁廷玉名珙以字行。鄞人生而秀爽。目光如電。嘗遊東海補陀落伽山。遇異僧於別古崖。善相。一見大奇之。曰。法當以術顯。因試令仰視赤日。兩目盡眩。後入暗室。辨赤黑豆。又令月夜隔窓辨五綵線。皆不爽。遂悉其術。授之。且曰。子後當出我右。已又授相術於奉化吳國才。成祖龍潛時。邑人金忠當戍趙州。携妻以行。忠寢甚。妻

哭於市。廷玉聞其聲，驚曰：「此貴夫人也。」因相忠，必大貴。饋之膳，且曰：「自今皆亨途，可無憂也。」得志毋相忘。已而忠附商舟，商適失囊金，忠以六壬課占之，曰：「金當於某水涯得之。」果如其言。商遂厚資之，抵戍。已而至燕，賁卜有名。成祖疾，召忠卜之，得鑄印乘軒之卦，曰：「此富貴不可言。」何疾之憂？居常命卜，太見寵異，忠遂薦廷玉。密召至邸肆，未見。成祖雜衛士類已者數人，就肆中羣飲，陰試之。廷玉一見，卽跪曰：「殿下何輕行？乃爾。」成祖遽以他言溷之。還宮，召見。廷玉曰：「龍行虎步，日角插天。」

太平天子也。俟鬚及臍，卽登極矣。此鬚及臍，遂靖內難。官廷玉，太常寺丞，而金忠亦爲兵部尚書。忠衛不甚，傳而廷玉術至今神之。其法常於夜二鼓或五鼓，人神澄氣定，張炬而燭之，以其形狀氣色，參之生年，配之五行，定其禍福。如合符契，其貌人必望而得其心，善必吉，惡必凶。恒反覆化導，俾避禍以集福。一時達官貴人爭求鑒焉。然未嘗言及其私。其尤異者，如相張啓源曰：公山根赤色，浮見二日內當有火。家果燬，質明復曰：火氣猶未退。啓源猥曰：吾家一夕已盡，又何火邪？俄而其別業

復焚相南臺普花帖木兒曰公神氣嚴肅大貴驗也但  
印堂司空有赤氣遷除百四十日當奪印然守正秉忠  
名必不朽願勉之普果晉署臺事於越未幾張太尉逼  
奪其印抗節而死相副使程徐曰君帝座黃紫氣現三  
年內有二美除但冷笑無情非忠節相也二年果拜兵  
侍陞尚書後歸欵復爲吏侍云又相劉仁本清中有濁  
張啓源濁中有清及王楠鄭文寶曰四公不十年當二  
品但晚節不令終其後俱得樞密分院顯官改物後啓  
源文寶見戮仁本死獄中楠亦貶死相中丞月魯不花

曰公面有紫赤氣如玉印紋除拜象也。嘗有中臺之命。然紫赤火也不宜北。北水位也。往必不祥。果拜中臺。泛海北上。死於倭寇。妻孥從焉。相陶凱曰。五岳朝揖而氣色未開。五星分明而光澤未見。宜藏器待時。不十年以文進爲異代臣。以二品顯名。荆楊間凱果於內附之初。爲禮部尚書。湖廣叅政。相洪珏面方如田。富貴相也。但妻位氣青主損。兩配生平多心術。長子必見刺貶。洪後有田五十頃。官至省員外。兼理問。一妻死。其一妻黜也。長子刺屯遠地。順天尹王驥疾甚。延而叩之。神色已變。

乃請相其夫人曰此一品命婦也公必不死後驥果驗以麓川功封靖遠伯相方明鞏曰父喪而官顯後其父死事鞏襲爵官分省左丞其他因前參後由得論失武以親屬相徵應傳聞籍籍別有紀載不能殫述云子忠徹生亦異常少業其父衛事成祖官尚寶少卿扈從北征刻期取驗一日諫師出東道弗利上弗允不見虜而還仁宗朝宗室有謀爲不軌者事未覺忠徹望氣知之七日高煦以反報嘗語方伯白圭曰王中丞文面無人色法曰瀝血頭于尚書謙日常上視法曰望刀

眼非令終相也已而皆驗人以其精鑒不媿於父

### 劉日新

劉日新金華星者太祖下婺之日召之推命答曰將軍當極富極貴又推諸將校則言或爲公或爲侯太祖怒其不言官職劉請屏去左右曰極富者富有四海極貴者貴爲天子太祖喜洪武四年召至問欲貴乎對曰不願欲富乎對曰不願問以所欲曰臣所欲者求一符可以遍遊天下耳太祖以所御白扇題曰江南一老叟腹內羅星斗許朕作君王果應神仙口賜官官

不要賜金。金不受。持此一握扇橫行天下。走議以御寶。劉持遠遊十二年回家。忽對妻子言。我當死於非命。故歸來作別。去遊京師。遂至南京都市中推算。但講命而已。都督藍玉平雲南回。因詣劉言。將軍將星見梁地。當封梁國。然七日必有一險。我當與將軍同死。後果封玉爲梁國公。未幾以謀逆誅。玉墜九數曰。神乎。劉先生之言。問爲誰。曰。劉日新。上聞。因逮劉至。問汝與藍玉算命乎。對曰。魯算。又問汝命盡幾時。曰。盡今日。遂殺之。

王與權立



王立字與權金華人性至孝親有疾衣不解帶湯藥必親嘗日人子不可以不知醫惟理學既講之素則取術於醫自無所難故其醫鮮有及之者活人甚衆太祖初入金華卽召儒醫而得與權與之語大喜問及家事卽對曰臣人口未知存亡何敢及家事惟願號令軍不擾攘市不易肆太祖聞其言亟下令禁戢復遣使特給令旗護與權家時家人男女二十餘口提挈嬰兒接弱本家井中冬月井涸使臣乃倉皇出諸井俱得不死以爲孝親濟物所致

孟月庭

孟月庭蘭谿僧也。明天文地理。戊戌年。越國公胡大海兵至蘭谿。獲之。并得其天文諸書。留居帳下。及太祖親征至縣。大海以月庭見。問其所師。對以得之龍游。後克婺州。立觀星樓於省東。夜與月庭登樓觀象。得其指授。頗有徵驗。今月庭長髮娶妻。待之甚厚。後又得青田劉伯溫。江西鐵冠道人。月庭與論不合。出和州居住。

呂玄英復

呂復字玄英。號滄洲翁。其先河東人。徙鄞。因家焉。復少

孤貧依母氏讀易書習詞賦有聲桃李後以母病攻岐黃術一日過三衢遇鄭禮於逆旅中授以古先禁方及色脉藥論諸書歷驗如神浙省平章左答納失禮在帥閫病無寐心悸神憊如處孤壘而四面受敵雖堅卧寢室而睫未嘗交也召復胗云左關之陽浮而虛察其色少陽之支外溢於目騰虛而風乘以入故無寐因投禁方烏梅湯抱膽丸日再服遂熟睡比寤病如脫其神效類如此

朱月鑑亡其名、蘭溪人、元末國初時、以善圖荷花得名、所居之傍有小池、可半畝許、植荷數品於其中、構亭其上、終日坐觀、以察荷之生長榮瘁、苗葉花實容色態度、爲之寫真、筆妙入神、得之者、以爲珍玩而寶藏之、號稱月鑑荷云。

太醫院使戴原禮思恭

父圭附

戴思恭字原禮、以字行、藥之浦江人家、世儒業、究心醫術、而志在澤物、少隨父在徒步至烏傷、從朱丹溪先生游、先生見原禮穎悟絕倫、乃盡授其術、原禮以之治療。

諸病遲遲。其後叔仲章六月患大熱。面赤口諸。語  
腐發紅斑。色暫投以大承氣湯。而熱愈甚。原體診之曰。  
左右手脈皆浮。虛而無力。非真熱也。張子和云。當解表。  
而勿攻裏。此證似之。法當汗。遂用附子乾薑人參白朮。  
爲劑。煮液冷飲之。大汗而愈。方氏子婦。瘧後多汗。呼聲  
易衣不至。怒形於色。遂昏厥若死狀。灌以蘇合香丸。而  
活。自是聞人足音。及雞犬聲。輒決逆如初。原禮曰。脈象  
甚重。取則散。是謂汗多亡陽。乃以黃耆人參日補之。其  
驚漸減。至次旬而安。松江諸仲文盛夏畏寒。身常如

續飲食必令極熱始下咽微溫則咽。他醫擬以胡椒煮  
伏雌之蛋日啖雞者三病愈極。原禮曰脉數而大且不  
弱劉守真云火極似水此之謂也。椒發陰經之火雞能  
助痰祗益其病耳乃以大承氣湯下之晝夜行二十餘  
度頓減續之半復以黃連導痰湯加竹瀝飲之竟瘳。姑  
蘇朱子明之婦病長號數十聲暫止復如前人以爲厲  
所遇莫能療。原禮曰此鬱病也痰閉於上火鬱於下故  
長號則氣少舒經云火鬱則發之是已遂用重劑涌之  
吐痰如膠者數升乃復初。樂原忠妻亦瘳人因免乳後

被驚身翻翻然如升浮雲之上舉目則室廬旋運持衆  
弗定他醫飲以補氣治驚皆不驗原禮曰左脉花且澀  
神色不動是因驚致心包絡積汚血爾法宜下之下積  
血如漆者一斗即愈留守衛吏陸仲容之婦病熱時見  
神鬼手足瞶動他醫用黃連清心湯不中原禮視之曰  
形骸面色不澤乃虛熱耳法當用東垣甘溫除大熱之  
法爲治卽經所謂損者溫之也服人參黃耆而安他若  
此者甚多當時游丹溪之門者弟子頗多惟原禮父子  
最得其傳父早卒原禮盛行於浙之東西晚年遭際

聖明以名醫被徵領太醫院事以老病辭授明功郎  
職御醫風雨免朝洪武三十一年五月太祖皇帝病  
少間輦出御右順門召諸醫官治疾無狀者盡付獄獨  
召原禮至榻前曰汝仁義人也事無預汝無恐太孫  
卽位誅諸侍醫者獨拜原禮太醫院使初洪武丙寅  
文皇患瘕諸醫久不效請原禮原禮至問所用藥曰是  
也又問文皇曰何嗜曰生芹原禮曰得之矣投一劑  
夜暴下皆細蝗也文皇入繼統寵待有加以老不任  
事辭詔免朝日卧官舍惟特召乃進見無何復蹶乞骸



骨五上始得請俾禮部選官護送頒行諭原禮曰朕召汝汝其復來原禮既抵家出賜金修祀事遍召親故更飲爲樂置餼羞拜丹溪墓載酒造邑中從所知叙平生惟用昭恩貺之隆甫旬餘疾作卒年八十有二勅命行人翁綬諭祭於家御製祭文褒獎備至且命載之國史當時以爲榮原禮平生著述不多見僅有訂正丹溪先生金匱鈞玄三卷間以己意附著其後又有證治要訣證治類方類證用藥總若干卷皆隱括丹溪諸書而爲之君子以爲無媿師門云

魯府良醫正周景暹道親

周道親字景暹金華人精於醫與戴原禮同時著名刃  
圭所授無不立效事父母極孝人稱爲全孝先生洪武  
辛巳以薦授魯府良醫正年八十六乞休歸王親製詩  
文及手書全孝二大字以賜之

韓採芝履祥

孫本附

韓履祥自號採芝海鹽人讀書能詩工醫技精絕洪武  
初受知高皇帝擢太醫院御醫成祖尤加眷遇公  
卿大夫莫不與交凡以疾召者一投劑無不霍然尤巧

於切脉雖無疾壯夫能隔歲斷其死期無或爽人以為  
神四世孫本字克誠能承其業不獨藝高其心更仁年  
近九十而陸輿水榭衝風破雨匍匐活人於四方者且  
七十年戴星出入雖老不以爲疲不責報不惜費不知  
有爭亦無所取質美貌古暗合於道有長者風以高壽  
卒於家

樓得達

樓得達鄞人性尚閒雅博於文藝於奕則稱國手永樂  
初驛召至京偕江陰相子先人覲子先自謂天下無敵

視得達箋如也。上命二人對奕，顧中貴官密取紙四，冠帶置局下，得達累勝，遂啓局視之。命吏部給冠帶焉。

胡公惠廷鉉

楊尹銘張懌附

胡廷鉉，奉化人，字公惠。少學歐陽詢書法。洪武初，召至京師，命與詹孟舉各寫千文一本以進。上覽之，廷鉉書法過孟舉，遂令書皇陵碑道，勁可嘉。授中書舍人，永樂間，鄧楊尹銘亦以楷書進，歷官中書舍人、小篆師。周伯琦若甬東張懌善詩文，而小楷行草師鍾王，各名於時。

沈野雲

卷之四

七

沈野雲

沈野雲

沈野雲字道寧烏程人寓鬱秀道院幼習方外學朝廷累召禱雨以缸貯水每手一運雷卽轟然雨亦隨至上深悅之賜三品服及湛然純一圖書

胡元海大淵

袁杞山附

胡大淵字元海初名浚陶庄人徙居魏塘賣卜於市言多奇中其學蓋得之同邑袁杞山其母卽袁之姑也二人相約游金陵寓神樂觀提點姚一山偶失金杯酷責其徒二人憐之占得剝之願告之曰金在土中未亡也

洪第從房之西南隅掘下五寸則得矣如其言果得杯  
永樂八年一山薦二人於朝袁稱疾不行胡至京卜無  
不驗賜今名免其匠役授欽天監漏刻博士上新作  
殿命之卜布筭訖跪曰某月某日午時當燬上怒四  
之以待至期倩獄卒覘視返報曰午過矣無火胡服毒  
午時正三刻殿果焚上急召胡則死矣甚惜之賜馳  
驛歸葬先是召命初下之日袁爲胡卜得乾之五爻袁  
曰五爲君升陽在四子命又午也其有錫名之慶乎胡  
曰吾直壬午壬爲水而午者子之衝也果錫名必不離

水袁曰非徒然也。四爲淵。又值升陽。而五居淵。上淵而大者乎。以草莽之臣踐五位。終非吉兆。五爲火。丁者壬之合也。遇火則危矣。後聞賜名大淵。袁大笑曰。驗矣。死。不遠矣。果因殿焚而卒。

太常寺卿林以成章

林章字以成。錢塘人。幼而穎敏。好學。長工臨池。藩司以大書薦於朝。景泰初。授中書舍人。遂直內閣。遷禮部儀制司員外郎。天順初。文簿藁沓。會有大典禮。事出倉猝。方稽據故實。章預具籍冊。無所遺失。李文達賢殊愛之。

起遷禮部儀制司郎中。九載秩滿。遷山東布政司左參議。寄祿順天府朝謁任事。皆如故。預修英廟實錄成。擢太常寺少卿。秩滿。再進爲正。以父喪服闋。秩又滿。始有加祿之命。憲廟實錄成。時資勞愈積。而限於格例。於是祿再加。而官不復進。後以母喪服闋。遂上疏請老。始有進階之命。爲資善大夫。致仕。二子皆仕。就養京師。弘治元年。以新天子登極。上兩官尊號。再進階。從一品。爲榮祿大夫。衣鶴腰玉。以歸。蓋歷仕四朝五十餘年。年八十有一而終。章性孝謹。親疾必額天請代。母老。



迎養於官。每公暇。不去左右。友弟睦族。急人患難。其居官。慎重。不洩。非疾病。未嘗一日不入朝。書法道勁。尤精鑒賞。博文習見。能道先朝臺閣事。歷歷可聽云。

太僕寺少卿姜廷憲立綱

姜立綱字廷憲。瑞安人。七歲以能書。命爲翰林院秀才。天順七年。授中書舍人。內閣制勅房辦事。成化二十一年。陞吏部郎中。弘治四年。陞太僕寺少卿。並辦事如故。未幾以微疾卒。綱歷事三朝。謙恭勤慎。位陟清華。布素猶如寒士。至於周急解紛。視棄金帛如土。直人以是重。

之書法爲一時所重而小楷尤爲精絕凡進御諸書及  
大制詔多其手筆其卒得賜祭葬亦特恩也

### 楊宗敏

楊宗敏新昌人永樂間有異僧扣門父館穀之因授  
敏堪輿術已遂得神解登山隔十里許卽知作穴所向  
及倒杖不爽毫釐人稱爲楊地隱

### 王子約

葑字子約  
徐良甫徐舜舉附

王葑字子約蘭谿人善畫竹多作鈞勒時同邑徐良甫  
善畫梅徐舜舉善草隸號蘭谿三絕蘓平仲嘗作鈞勒

竹賦以美之、

俞用古

俞用古，字自人，以神醫名。有病人方危篤，呻吟卧，延用古。用古曰：一人無病，欲驗用古術，亦避入帳內，作病狀。用古創驗之曰：呻吟者可治，初病者勝，脫氣絕必死。主人大笑之。已而其人果以急便急淫泄卒而病篤者，竟愈。王氏敬口忽皆嗜睡，醫莫治。用古見雉毛盈厨，曰：吾得之矣。蓋雉是時多臥，半夏其毒在內，取姜汁飲之，立愈。一女欠伸，兩手直不能下。用古曰：須灸丹田，因灼艾詐。

作欲解其視帶狀女子驚護之兩手遂下

惟一子柴用先

蘇子壯附

柴用先江山人號惟一子有神術能呼召風雨永樂間自京師還至武林值大旱所禱無驗用先自言能致雷雨藩臬競以禮迎之令官吏宿齋大書一聯於壇上云二日登壇三日雨一聲號令一聲雷及期不雨衆且訶之用先乃散髮禹步咒符叱官吏跪壇下頃臾雷電交作大雨如注衆皆股慄渰浸百里而西湖之水涸矣其族子壯少孤不事生產其家逐之居滿城三年得五雷

秘法能祛邪治病所晴禱雨大著靈異家人招而歸之  
某抵舍一夕語衆曰吾門隘當撤之以入天師家人不  
之信至則風雷大作而門撤他所其神異如此

俞存熙

子原澤附

俞存熙龍泉人能詩興至輒吟哦不休或行道上推鼓  
舞至墮坑落塹或與人肩背擊撞而後悟善画山水師  
永嘉趙仕謙而筆趣過之每得意卽題詩其上永樂中  
召爲金門西士未幾引疾還子原澤亦善画

季董

季董龍泉人善星命。洪武末游京師。見文皇帝於藩邸。卽知天命有在。永樂初召見。拜御史中丞。

刑部主事俞公廣得濟

俞得濟字公廣。遂昌人。幼孤。長克屬於學。涉獵既博。復從先生長者習詩律。尤喜臨池。妙得八法之旨。永樂六年詔翰林集四方儒學之士。纂修永樂大典。及能書士職繕寫。濟以能書薦。書成被賜資。詔進翰林。益進其藝。四方碑版墓碣。不得濟書者。以爲不孝。十八年擢兵科給事中。勤慎詳敏。克舉其職。坐累出爲鄆縣丞。卽

當要道通使客百費取給於縣者日輟輟濟爲之有度  
民不困而事集尤以寬厚得民心洪熙改元召還爲刑  
部照磨尚書給事中皆言其才陞刑部廣西清吏司主  
事盡心獄事無冤滯者無何以微疾卒年僅五十有一  
濟居官不爲崖岸不失持守遇事不平輒發不爲苟默  
雖數以是召怨不悔也其才可用且未老而卒人共惜  
之

鄺玄真

鄺玄真諸暨人幼學道衡年五十而衡通能舉實寔宣

微服過江部無補於寒其將無獨而與於道從與中五  
五身書一符焚之歸有大雲霧竹無死自是怪誕絕

### 裴文璧氏英

裴日英字文璧其先台州人後徙居錢塘善詞翰精繪  
事着色花鳥悉臻其妙墨竹坡石尤不可及嘗挾其所  
長游浙東西關而居杭最久性好竹所居種竹數百竿  
後以薦至京師無從得竹猶以竹塢扇其居人是以知  
其有至子猷之癖

### 戴文進進

子泉婿王世祥附



戴進字文進，錢塘人。國集諸家之大成，山水、人物、花草、翎毛，無不精妙。蓋其筆力精熟，氣韻天成，凡一落筆，俱稱神品。晚年尤縱逸，出畦迕自成一家。真皇明國家第一一人，足以照映古今者也。宜廟善畫，一時待詔，有謝

廷循倪端、石瑞、李在皆海內名手，及進入京，衆工妒之。一日，仁智殿呈圖，進以得意之筆上進，首幅爲秋江獨釣圖，一紅衣人垂釣水次。畫家惟傳紅色最難，而進獨得古法，入妙。宜廟閱之，廷循從傍奏曰：「此圖佳甚，但恨野鄙耳。」宜廟嘆之，乃置紅品，官服色也，衣以釣魚。

殊失大體。宜廟以爲然，遂揮去餘幅，不復圖。子泉字宗淵，山水得家傳，有氣韻，但用墨稍重耳。其婦王世祥亦善畫，稍勝於泉。

胡任之弘

胡弘字任之，鄞人。少受易於日者張生，力學不倦。既而游於杭，遇異人，深於易理。弘從之游，盡得其秘。由是以卜筮名。所言多奇中。楊尚書翥筮得復之六二，言公至中年，方有奇遇。若官三品，壽九十。若二品，則差減四五。年有子，亦沾祿未幾，果以潛邸舊恩累進。大宗伯年八

十五子亦以蔭授吳縣主簿。諸如此類千百皆中。尤甚相字。嘗遇二士於途。將赴鄉試。問得失。弘云。二君一當中。一有服阻。皆不以爲然。已而一喪父。一領薦。或問之。弘曰。喪父者問時。適有人汲水而過。水與立泣字也。故知其當有哭泣之戚。領薦者問時。偶有人立於傍。成位字。故知其必中。又有士人應試。書串字。弘云。君不惟中舉。兼中進士。串字者。二中也。別一士聞其語。亦書串字。以問弘云。君且勿言科名。當憂疾病。其後二人一連捷。一得重疾。幾不起。或曰。所問者字同。而吉凶何以相反。

弘曰前問者出於偶爾從而效之則有心矣患下加心故應得患也其術大抵如此嘗著策書曰黃金尺

### 欽天監副貝宗器琳

貝琳字宗器定海人洪武初以戎籍居金陵琳幼業儒慕天官學遂學象數於何司曆盡得其秘後被薦充天文生例除戎籍正統景泰間從征迤北及兩廣占候有功授欽天監刻司博士天順初玄象示警英廟召見便殿奏對稱旨賜白金文綺尋陞五官靈臺郎成化戊子因災異上言君能修德格天則災變爲祥若高宗離

鼎宜王早應皆凶災知懼事成中興之美且條陳弭災  
圖治六事言多可采識者以爲克舉司天之職庚寅陞  
監副壬辰改南京凡十九年卒平生究心數學刊校回  
回曆臺曆百中經諸書居家孝友與弟琪南北異地者  
三十年及南改復治第同居庭產嘉瓜並蒂士大夫以  
爲雍睦之應云

錦衣呂廷振紀

呂紀字廷振鄞人風神秀雅精於蒔繪時綴小詩其上  
初學邊景昭花鳥袁忠徹見之謂出景昭上館於家使

臨唐宋以來名畫遂入妙品獨步當代嘗戲畫雌雞壁間而生雄谷谷繞其側弗去殆古點睛敲板之流孝廟時召至京師官錦衣衛指揮同知紀爲人謹禮法敦信義縉紳多重之其在画院凡應詔承制多立意進規孝皇稱之曰工執藝事以諫呂紀有焉比病存問絡繹自言曰渥恩難勝吾其死矣果卒

### 吳邦畿金陵

吳金陵字邦畿龍泉人父初游太學生於金陵學舍因以爲名生有異質讀書過目輒成誦善画鷹尤工寫照

人。一經見。卽隔數十年。默寫之。無不宛肖。酷嗜鼓琴。無  
於泉石幽勝處。率抱琴而往。臨流動操。四山皆響。夜或  
對月。則申旦忘返。所著四鑑直指琴譜。指南行於世。

味易先生倪應奎光

倪光字應奎。鄞人。少受易爲舉子業。已又感土木事復  
兼讀孫吳講擊劍之術。毅然有古結客取河西之志。然  
時時沉玩先天。忽朗然內覺。若有神授。自知不良於功  
名。遂悉弃去。覩消息盈虛。輒能前知。偶過日者胡氏肆。  
見招牌懸湖田二字。因占之曰。田者墓田象也。胡立木

傍而從墓田其必以酒溺乎。後胡氏果醉墜水死。遊遊  
兩京名動諸公卿。皆爭致說易。一日在鏡川楊公所。忽  
中貴使至。光見一雀自庭樹集於地。已復還集樹。卽謂  
其使曰。汝來得非失馬乎。六日當復使大驚。鏡川因問  
故。光曰。雀踴躍物也。去樹而集於地。舍所依也。已還集  
樹。復歸其所也。其集樹自北而南。水數六也。故曰。馬失  
而六日復。因復問馬色。光曰。以北水尅南火。當黃而近  
於黑。皆悉驗。諸公神其術。咸以小康節呼之。後閭老莫  
公安。欲薦官之。光遽辭歸。旅宿臨清。中夜聞扣戶聲。轉



而辭哀。光厲聲曰：汝作友，將生邪？其人吐實。光謾曰：南北東西，皆汝路也。旦起，市已獲盜家。時婦知縣楊瑄以諸生赴省試，辭光。光方汲井，因曰：寒泉食矣。都憲王應鵬少至光家，光奇之，問得莊字。光曰：莊子開卷說鯢化其應鵬必九萬里乎？以楊氏甥妻之。張都憲楷聞有南都之命，其子露曉叩之。光時收回，遽迎門謂曰：君翁將起用，被恩露必南都。然不久而收有產子者，至而爭裂其人失色。光曰：爭裂而小人見汝細，君已育子，可喜矣。其前知類如此，平生不以殖產爲事，所獲卽散之人。

日借洪兵部常金太僕提嚴兵部端宗憲部佑及散人  
李端王政爲社會賦詩爲樂年八十生而舉殯擬淵明  
自祭杜牧志墓事懸像談英延慶寺爲詩自挽羣公屬  
和金太僕別画竹題詩爲壽有舉世稱高士關天合少  
微之句曰先生舉殯吾爲寫真其達生委命非見道  
能如此人皆稱爲味易先生所著有味易詩集十二卷

葉玄

葉玄新昌人幼時渡槐潭溺水見一赤面長鬚人採之  
得不死自是遂通符咒諸五雷祈雨法成化間郡大旱

守白公延之所用。卽時大湖四郊霑足。府倅女爲妖所惑。書符懸之。少頃震雷擊巨虵死。女漸愈。後不知所終。

蕭氏

蕭氏失其名字。錢塘人好施予。嘗有一僧來謁。蕭待之良厚。久而不衰。僧一日拈筆畫一牡丹。遺之。蕭初不甚珍重。藏旣久。發視之。花瓣中皆有字。隱隱可見。蓋古醫方也。大異之。令婿郭某按方試以療人。皆奇效。後又令藥煉爲丹。俄見爐上有花。炯爛若牡丹狀。丹成如香珠。用以活人。雖瀕死皆甦。自是蕭郭之醫。傾動一時。

王坡

王坡鄞人病瞽善六壬兼釋易繇至武林有驛傍人占家宅坡云今年四月十三日當雷震堂棟不傷人後果驗鄞陳塘有一祠初塑神像成鄉人託以人名占之坡曰此人如木偶難逃水火越暮果爲惡少投於江隨潮上下後復碎而燬之按察司僉事黃譽性嚴重人莫敢近招坡筮之坡曰似得鬼責公前歸時失展先大夫墓有陰譴黃下淚曰然坡曰明年當轉官在本省滿載後果如其言

大醫院使楊云

曾祖進祖景希父恭附

楊云武義人曾大父名進者好學善醫仕元辭御史職請赦勅雲遊採醫方至東海遇鄉人仕宦者遂將所採秘方一冊指甲一枚并家書寄歸且爲永訣其子景希奉而行之爲鳴世醫景希子恭領薦赴京宿太醫院歷中卽夜院麟火恭請戍廣西還云家居精父術業名勲一時宜德乙卯召至京師入封稱肯超授御醫適皇弗怡藥進有效特陞太醫院使賞賚甚厚云入謝陳情拜職乞恩除父恭戎籍特賜俞允寵遇與楊少師同

詩等名勳朝野舊名榮 睿皇以其與楊尚書蔭同  
不便宜召故賜名云

太醫院判葛茂林林

葛林字茂林錢塘人攻小兒科名聞京師載化初命內  
臣來杭驛致之克太醫院官請武廟方在嬰稚而  
皇太后保護甚周每召供御一夕武廟痼疾作中外  
惶怖夜分召林一七而安明日使與燕上公有白金彩  
幣之賜人咸榮之汪比部有子年二十五矣忽患痘而  
汪故知醫以爲無恙也林視之憐然迨五日而足比

而屬亦佛然至十四日而痴落。莊信其無虞。林曰。災其  
在彌月乎。至期而其子晏然。汪置酒高會。若以謂林者。  
林視其子之足底有泡結癰瘡。內曰。疔其百日哉。迨是  
日而暴歿。汪以爲神。問其故。林曰。夫痘構形之餘穢也。  
苟有纖芒未盡。亦無生理。是疾初發。自將而我知其不  
能暢。是以必死。旣而流著於足底焉。以故發之緩而必  
至是日也。汪歎服。少師楊公子當暑而驚眩已絕。且移  
之木矣。林趨而入。曰。無傷也。亟出之。公曰。兒已喋矣。奈  
何劑也。林曰。予無劑也。所恃者天上雲耳。雲生而淩淩。

微。南。陰。氣。舒。而。陽。鬱。消。吾。以。清。利。物。煮。水。而。蒸。於。其。下。  
其。可。療。乎。果。如。其。法。而。疾。愈。迨。暮。而。兒。戲。於。庭。矣。林。貌。  
清。癯。骨。削。而。目。精。炯。然。特。異。故。其。視。疾。得。其。蘊。色。洞。若。  
燭。照。既。而。切。脉。以。決。死。生。歷。千。百。而。莫。或。一。遁。也。且。善。  
制。方。劑。對。疾。而。服。其。應。若。響。累。官。太。醫。院。判。壽。八。十。八。  
所。著。有。杏。郭。秘。訣。一。卷。以。傳。其。子。孫。云。

太醫院判徐文蔚彪

徐彪字文蔚、世居錢塘、以醫名、自晉漢陽太守、歷受扁  
鵲神鏡於異人、後秋夫文伯得此、聲於齊、漢、聞、迨、宋、南



渡有以侍醫扈從居嘉禾元大德間號月翁者爲鎮江路醫學提領遷華亭月翁子號雲隱者爲松江醫學提領遂家南梁雲隱子子暘不應召賜號清隱處士孫叔拱號足庵自秦府良醫正入爲太醫院使受知宜廟眷顧優異賜御製詩函請告焚黃遣中官二宮人一護送之還尋賜金帶致仕初足庵爲良醫時彪侍盡子職正統乙丑徵入太醫院時代王父病腫彪受詔視之不旬日而起及昌平侯楊洪疾篤於邊又詔以彪治之而愈由是能績升聞乃留御藥房戊辰擢御醫辛未陞院

判嘗侍疾、懇進敬身之諫、問藥性遲速、則曰藥性猶人也。爲善千日、不足爲惡一日、有餘不可不慎。又問攝生、則對以內經、固元氣爲本、其乘機進諫、類如此。嘗修中秘書、著本草證治辨明十卷、論咳嗽傷寒、纂例各二卷、彪質直洞達、善談議、不驕不阿、人有急者、往往治之、弗圖其直貧者、反周以薪米、怨者反報之德、其所存忠厚亦多類此。

張景嵩崙

張崙字景嵩仁和人五歲以疾喪明十三受易善記凡

卜筮星曆諸書入耳。蓋心能了大義。終身不忘。每論人  
祿命壽夭。窮達利鈍。歷歷有奇驗。遠近異之。稱曰如鑒。  
名動海內。縉紳道杭者。必造訪焉。宸濠構逆。浙鎮守太  
監畢真謀內應。人情洶洶。方伯何天衢稽疑於崙。筮得  
解之象。崙歛積賀曰。無虞也。渠魁將授首矣。何內應之  
有。不旬日。江西捷音果至。武宗南巡。將及浙。有司亟  
歛儲供。方伯徐蕃命筮焉。得同人之離。蕃曰。同人親也。  
離應南面。急當祇迎。崙曰。不然。卦體屬乾。西北其位也。  
茲應返矣。君至尊也。豈夫人可同。且爻曰。先號咷後笑。

兆之矣、其在純乾之日乎、後悉如其言、

禮部尚書掌太醫院事許大章紳

許紳字大章、其先嘉興縣人、曾祖昇、洪武中以富戶實京師、遂占籍江寧、未幾、由名醫入爲太醫院醫士、永樂丁酉、扈駕之京、因家焉、祖忠亦以醫名、父觀初爲通州儒學生、後繼祖業、補醫士官至太醫院判、紳性資敏慧、少習儒、旣成、棄去、乃究心醫術、本之以家學、濟之以穎悟、遂深契軒岐奧旨、其漢唐以下諸名家論說、亦罔弗悉、佐考訂、以求至當之歸、由是業底大成、而藥七所授

無不立應。時人莫與京者。弘治壬子，以世醫子弟克繼。肅醫士。正德丙子，選供事御藥房。嘉靖壬午，奉命診視。聖躬立方進劑，俱克當。上意。上察知紳之異於人也。隨陞御醫。自是屢承召對，敷奏詳明。方藥精當，每用輒有奇效用。是遷轉不次。丙戌，陞院判。庚寅，陞院使。壬辰，陞通政司右通政，掌本院事。甲午，轉左。丁酉，診療皇太子有功。陞通政使。己亥，皇太子冊立禮成，陞禮部左侍郎。庚子，陞工部尚書。壬寅冬十月，上忽有官變，紳診視用藥，卽獲萬全。尋叙錄保護功，晉太子太保。

禮部尚書鍾甯惠脾疾至是再作自度不能起乃輯錄  
經驗方一部并庫本院官醫數員以進得法相連卒年  
六十有六訃贈上悼惜因置遣禮官諭祭者九旌其  
恭儉仍命所司爲營兆域鍾甯字端重官簡而行確  
縉紳咸雅重之掌院數年處事公正衆皆推服數月  
集頒降御札錢梓以傳名曰聖諭對稿間又揭傳刻錄  
彙書并銅人圖像於公所俾習人有考證云

### 陶尚文華

陶華字尚文餘杭人其治病有神效一人患瘧因食羊

肉涉水結於胸中其門人請曰此病下之不能吐之不出當用何法陶曰宜食砒一錢門人未之信也乃以他藥試之百計不效卒依華靜一服而吐遂愈門人問之曰砒性殺人何能治病陶曰羊血大能解砒毒羊肉得砒而吐而砒得羊肉則不能殺人是以知其可愈鄉人抱奇疾他醫不能治者尚史輒能愈之後舉省郡治傷寒一服卽愈神效莫測名動一時所著傷寒六書曰瑣言曰家秘曰救車槌法曰橫江綱曰一提金曰明理續論仲景以後一人而已

太醫院使徐叔拱樞

徐樞字叔拱，錢塘人。其先宋濮陽太守熙，遇異人授以扁鵲神鏡經，頗有所悟。子孫遂世以醫名。父神翁，元海鹽路醫學教授，遂家海鹽。樞少傳其術，兼學詩於會稽楊蔗夫。會天下亂，晦迹田里。洪武初，以薦爲秦府良醫正，出丞衆疆，召爲太醫院御醫。累奏奇績，陞院使，告歸展墓。宣宗親賦詩送之，年八十致仕，有足庵集行世。

王一清乾

王乾字一清，臨海人。善画，以輕墨淺彩作禽蛋瓜果，及



山石林藪莽蒼幽岑種種臻妙尤妙寒塘野水柳深  
暮之態又間作茆屋竹樹雲氣默逗人物洒洒益可觀  
人甚重之而乾不自秘惜也當其吮墨時不知寒之無  
衣飢之無食耽耽若有事嗒焉似忘揮而迅注而留泉  
妙可翕而乾之精神猶在塵表也論者以乾画得之無  
欲故神全同邑黃綰爲作王翕良傳以乾画與庖丁解  
牛同一天機之動故入神時以爲確論

俞漢遠鵬

俞鵬字漢遠上虞人善画浪游兩京名重公卿間性耿

衆時有巨璫欲薦授一官。即偃卧不肯起。其画亦不易得。與至乃寫。

### 范行式摹

范摹字行式。嘉興人。涉獵經史。善詩歌。多藝能。凡金石款識。篆隸書画之類。皆能著其時代。辨其真贋。工画山水人物。筆力瀟灑。意趣幽遠。爲士林所推。

### 邵太初

吳友清附

邵太初。龍泉人。嘗學符水於龍虎山。正統間。知縣張翊延之祈雨。築壘於台山之陽。叱符揮劍。雲即滃合。握膝。

步罡則雷電交作俄而虹貫雨收太初曰此必有撓焉  
法者索之壬癸草澤中見隱真道士吳友清坐留槎州  
中冠髻間藏一小符衆責之笑曰吾戲太初耳乃咒其  
符按之木傾雨如注

### 胡日章

胡日章號樂素海鹽之澉浦人嘗遇異人授以星術爲  
人推命輒作絕句詩一首斷人貧富貴賤壽夭百不失  
一年九十六猶能燈下作蠅頭書蓋有道而隱於術者  
張黃門寧爲之像贊曰南世之儒齋一鄉之俊傑

吳如心恕

吳恕字如心，錢塘人。博極羣書，少貧，賣瘋藥，烏蛇丸以糊口。時觀風使適有患此疾者，召恕與談，驚服其論議，遂委託治之。疾果愈，其名遂震。後徵至京師，授太醫院御醫。恕念傷寒爲病，傳變不常，乃潛心研究，洞窺臟腑。本仲景傷寒論，朱奉議活人書，編集圖括名指掌縱橫規畫，發前人所未發，復成八韻之賦，其辭簡，其理核。仲景奧旨囊括殆盡。

徐芳遠蘭

徐蘭字芳遠，鄆之諸生也。累舉不第，弃去，遂潛心書法。正書師鍾繇，宣示表、行草師王獻之。授衣、天寶、解過、登還等帖，皆淳古遒勁，度越流俗，尤精六書。考究點畫，正其訛謬，作古文、奇字，得邊魯生筆法。八分初法蔡邕，淳于長碑，不失矩度。而晚年參以己意，名重一時。遠近求者無虛日。蘭亦高自矜負，間有挾位勢使與隸致之者，輒白眼叱去，曰：「吾豈祗役者邪？」人因是益重之。

胡彥信忠

胡忠字彥信，湯溪人。淹貫羣籍，子史尤精。醫術活人甚

衆而却其餽謝嘗出粟賑貧人食其德咸稱長者晚號  
琳湖漁樂

希遁道人

希遁道人嘉興僧也深於繕生之術又擇用日辰可代  
藥餌嘗過海州司馬韋敷見敷鐺白曰貧道爲公擇日  
更之越五六日僧請鐺其半及生色若鬻矣凡三鐺之  
鬻不復變座客有所鐺者且強之僧言惜取時差爽耳  
後髭色果微綠意其術由於遁甲故自稱希遁云

具綬

吳綬錢塘人著傷寒蘊要全書發明五運六氣圖國立  
說究極玄微以名醫徵聖東歸仕奉太醫院院判綬北  
歸時湖墅有馮某者病傷寒一時諸醫議用承氣湯激  
綬入視之曰將戰汗矣非下證也當俟之頃刻果戰汗  
而解

### 王養家

王養家鄞人工画蒲萄乘醉著新草履漬墨亂步絹上  
就以爲葉布藤綬實天趣自然画家以爲不可及

### 鄧公銳鈍

孫鈍字公銳錢塘人嘗遇異人授却老之術年踰九十  
顏如處子精於醫四方之人叩門求治者無虛日經脈  
藥石之音雖古人不是過也所著有試效藥成行於世

詹傳和傳

詹傳字仲和號鐵冠道人初爲鄞諸生已而棄去學書  
師王右軍樂毅論東方朔贊及趙子昂度人經金丹四  
百字七機焦君礪諸帖俱得神髓善寫墨竹亦工白描  
臨摹子昂書法無不逼真人稱詹子昂年七十餘燈下  
作小楷如螭頭遒勁萬法傳名歛公卿而亢潔自好終



不屑丐一官人以是益高之

### 張壹民員

張員字壹民一字天民會稽人左目無瞳子自稱左瞽  
善草書亦工画以筆墨自娛未嘗爲貴勢人一作性僻  
以金購之雖值屢空麾之不顧世以此重之

### 朱克正端

朱端字克正海鹽人寫山水可方輞川正德時以國士  
直仁智殿食指揮棒欽賜一蕉圖書用以識圖後遂更  
號一機

朱肱夫俸

朱俸字肱夫嘉興人攻字學考訂偏旁訛謬得六書旨  
精篆籀古文及漢唐隸法每做管夫人書七十二篆金  
剛經人珍重之

陳以誠

陳以誠嘉興人善詩画尤精於醫永樂間應薦隸太醫  
院累從中使鄭和往西洋諸國擢院判歸卒有詩云九  
重每進千金劑四海曾乘萬斛船

趙九成

范洪附

朱俸

卷之十

朱人

光緒

趙九成鄞人初爲郡諸生以不檢被黜遂以奕遊京師  
盡一時無敵手孝宗御燕殿召九成試之果壓流輩  
所行算多出古棋譜外上曰真國手也命官鴻臚序  
班供御其後乃有范洪字元博號全癡世居鄞城之南  
少習舉子業屢試不售竟棄去遂有高世之志以奕自  
娛嘗曰吾何用殖貨樹業齷齪若東海鄙人爲於是挾  
技遷於京師一時朝貴爭延致對局惟洽竟日無情空  
隨其人高下與之對不求大勝然終其身不一挫朝遂  
以國手名時人列之四絕謂金忠肅袁珙相呂紀國井

洪奕云

沈嵩高

沈嵩高秀水人幼從蔣大方學五雷法居修真爲道士  
成化間郡大旱太守徐林召嵩高禱雨用虎頭骨投龍  
潭中機之不旋踵大雷雨四郊霑足又范教請官金  
晨夕空中拋擲瓦礫嵩高曰此土怪也溫元翰掌之書  
二符與之卽止其他治病伏邪往往有驗御史魏公鑑  
爲之立傳

張稷蟾蜍

張稷

張稷

張稷

張稷

張德輝字秋蟾自號雲巢老人世居慈谿大寶山麓少  
學國龍自得其趣每遇天陰將雨登舍後絕巔盤薄以  
雲氣騰湧默與神會晚年煥染有法而飛雲驚電變化  
真狀或累日不下一筆或一日連寫數幅極於神妙可  
追蹤陳所翁

吳廷肅珪

吳珪字廷肅嘉善人精於醫治疾有奇驗一婦妊及八  
月胎不靜果醫欲手珪曰此內經所謂胎瘖也十月當  
不蘇自念又有男子請診珪曰此疾不致死然脉無生

理過三日、當投劑、期內忽溺、死人咸異之、其精妙類是、名動浙右、無子、贅吳江袁祥、以保嬰爲業、祥之子仁俱、以善醫名、皆珪所傳也。

### 吳東升

吳東升、杭州前緒百戶也、善楷書、杭城十門、并咨公署、皆其題額、淨慈寺壁書南屏二大字、結構尤佳、憲廟時、負重名、劉士亨嘗寄詩云、墨花香滿鳳池頭、盡說能詩老戶、族顧鬼分毫、犀角管、冷金紙上字、雙鉤、屬續前、一出、題詩、戒子薄葬、時人賞其達。

嚴觀弟奉附

嚴觀仁和人用藥不拘古方頗有獨得之解每用薑汁制附子或難之曰附子性熱當以童便制奈何復益以薑嚴曰附子性大熱而有毒用之取其性悍而行藥甚速若制以童便則緩矣緩則非其治也吾今佐以生薑之辛而去其毒不尤見其妙乎是以用獲奇效人稱之曰嚴附子其用藥有方有法行於世弟泰繼兄而出精於方脈治傷寒如決川爲時所推

王廷直謬

蕭鳳直鎮附

王諤字廷直奉化人工。國嘗師里人蕭鳳畫其術乃肆  
力於唐宋以來諸名家凡奇山怪石古木驚濤之類盡  
摹其妙。孝宗朝大承寵待時上好馬遠四臣稱曰  
王諤今之馬遠也。同邑盧鎮嘗師諤亦稱絕藝。

朱自方

胡仲厚胡景行史均民傳子英附

朱自方號夢庵奉化人性尚冲澹喜寫水墨山水晚年  
出入郭熙范寬而自成一家在鄞則胡仲厚胡景行之  
青綠山水師董源而雲氣悠揚可愛然重自秘惜人罕  
得之他如史均民之水僊傳子英之模寫人物各有生



意數人出處不同皆一時之傑也

### 嚴宗仁元

嚴元字宗仁餘杭人少素儒不售從父耕謁選京師屢有詔選醫士元故暢岐黃家言謁禮部宗伯大奇之授太醫院吏目世宗命纂修補珍諸方錄成賜銀幣甚渥世宗幸承天有旨命元扈機居常宜召診視及兩宮疾治輒效輒拜金綺賜至微御前酒饌以優寵之九載考績授御醫會司藥署員缺內監以他員上旨下特易元元感主知益自奮勵用是爲

人所忌。竟中蜚語。落職歸。元愷慷慨調達。無他腸。事二親。以孝稱。至其爲醫。熟察標本。陰陽脈絡。皆極洞暢。用以起人疲瘁。無枉死者。施德貧者。不受其報。更以忠直自結。主知遭譏。坐廢。士論咸惜之。

工部右侍郎談舜賢相

談相字舜賢。嘉興人。少倜儻。有大節。博通經史。尤精八法。嘉靖七年。以能書薦拜官。史閣受肅皇帝特達之知。始書宮殿廟額稱旨。一歲三遷。授中書。理綸緯。扈從南巡。會行宮火。相與少宗伯張璠。錦衣陸炳。以佩刀。

割席垣相親負上出火竇中倉卒走下風煙焰逼人不可住足走田間里許方得吐息上心識之益眷注歸直無逸殿日給事御前榻每對御揮毫蟒玉大璫緝身執役者數十人真不啻李青蓮之遇時值暑月汗下上親以扇拂相相偶墨點朝衣惶懼伏謝上卽曰起因賜新衣一襲或遊內苑必召嚴嵩李本徐階朱希孝四大臣與相同登龍舟宴賞歡笑出入太液烟波島嶼中望之者以爲神僊每歲春秋大祀例遣都卿分祭上必以相與頒祭冊故事內殿舉祀典畢在直諸

臣例有慶成賀章諸大老悉挂相具草疏入轉聞旨隨  
賜金幣有差其他尚方服御諸物頒賚之賜相望於道  
有親故大臣所不敢望者相感上恩普靡軀弗顧也  
累遷至工部右侍郎賜一品服食二品俸祖父母父母  
皆封贈如其官予祭葬加等舉世以爲榮而忌之者不  
無耽耽視矣相性秉直不阿權要遇事可否義形於色  
初夏文愍言才相首爲推轂相因心德之及文愍中相  
嵩讒死非其罪相假間每彈指嵩父子感念流涕髮上  
相冠有媒之嵩者銜之勢遂不兩立會內艱相力請終

制不得予假管并還里遇倭焚其年僅得畢事復命  
渡淮復道病上疏乞寬限相嵩乘而調旨切責相違違  
兼程赴關具疏引咎嵩隱不聞以激怒上校旨法司  
比棄毀詔書律死後嵩以敗籍詔復文愍官予卹  
贈相子文明伏闕白父冤下部寢不報人至今扼腕  
云

諸原靜餘齡 子夢環附

諸餘齡字原靜仁和人博雅能書奕尤精於醫其製方  
不執古法時有所縱舍而一七所投輒有奇效往往起

死人其不可起者刻死日輒驗四方爭迎致之頽然而  
往無所責糈欲以厚橋致之者不得也人以是重之皆  
稱之曰雲泉先生晚隱靈鷲山日坐卧一小樓冠蓋之  
屨遂滿山谷或勸之歸笑曰我巾車馳城中起死人者  
何得身爲死人馳喪車出城乎當終於此預知死日手  
置衾歛具削木爲主手書之子女環侍拱手爲別端坐  
而逝所著有傷寒論若干卷藏於家其門人各憶記先  
生治病方略凡若干卷名曰雲泉先生醫案子夢環以  
進士知通州有惠愛二年而卒於官貧不能歛通人至

今稱其廉。

張文樞

胡欽亮徐士元孟玉澗莫廷賜附

張文樞德清人。画山水師巨然。筆墨簡遠。只尺有千里之趣。時烏程胡欽亮徐士元歸安孟玉澗莫廷賜俱以画名一時。

姚懋良能

姚能字懋良。晚號玉冠道人。少習舉業。屢不售。棄去。攻醫。好吟咏。每談論。歷奪滿座。著醫書有傷寒家秘心法。小兒正蒙藥性辨疑。

陳叔謙

陳叔謙武林人。玩古器，識名画，其價值纖毫不爽。四學倪雲林，叔謙嘗書一聯於家，以自況。博古圖苑，周漢制無聲詩寫晉唐題，亦可想其韻致。

宋宗遠

宋宗遠，縉雲人。丰儀峭古，喜讀書，工古文，尤工画山水。筆法遒勁，得烟霏奇態，每於筆外取勢，爲画者所宗。

陳言

陳言字無擇，青田人。敏悟絕人，長於方脉，刀圭所按病



皆立起有不可療者預定死期時刻不爽作三四方論  
研窮受病之原用藥之等醫者宗之

雲淵子周繼志述學

周述學字繼志別號雲淵子先世汝南人徙南渡家於  
越學資睿才閎素負經濟尤邃於易曆居嘗曰易天道  
也曆之元也知曆斯知天知天斯知易而曆法乃寥寥  
莫傳哉爰南遊吳北遊燕編課業天官氏之術聞郭太  
史弧矢法以圓求圓循弦宛轉極與天肖視諸古名人  
用方規圓矩法爲最善名曰弧矢經時荆川唐太史博

研古算箬溪顧司馬精演例法欲求弧矢經而不可得  
見學竭其心思誤補弧矢又續中經纂曆議集曆草而  
曆法遂爲完書其生平著述較圖書較理論以彰易之  
體極爻象著易義以達易之用集京邵之文諧元韻之  
聲用占經世象吉凶識者以周子之心渾然一易其他  
輯會占而參以命法纂通志而徵以世紀準畧極而定  
度里之數本山河而序流峙之支水陸遠近有程以備  
行兵迂直都省區域有界以表守國形勝星命砂水太  
乙六壬遁甲演禽風角鳥占兵符陣法靡不洞其玄微

隔其秘旨，作有成書，通所纂撰，凡千餘卷，總名之曰神道大編，蓋貫天人，徹幽明而學有實際，非僅僅以占算名者。弟生不逢年，會我國家重熙累洽，有志莫售，抱遺自恬，卒以布衣終於湖海間。士大夫多惋惜之。

### 石以明銳

石銳字以明，錢塘人。画金碧山水，界畫樓臺及人物花果，得宋元院画體，傅色鮮麗，溫潤名著於時。

### 周宗盛頌

周頌字宗盛，鄞人。仕爲廣東幕僚，非其好也。年五十，即

解綬居於武林善寫春草蘭竹盎然有生意可愛惟經  
夷而內介家貧甚不荀取臨沒計無以送死時有餽者  
堅却之

王世英奇

王奇字世英其先世自武林徙居天台少爲諸生治尚  
書兼通天文地理卜筮星數之學坐白友冤削籍遂挾  
策以遊其語人必附子服惠伯之說故縉紳先生以儒  
待之而奇亦以儒自待其游金陵也吏部欲黜二御史  
問其命奇曰命豈宜問於公哉進退人才固有不在命

者不對而出刑部追重囚主者屬奇筮之遇恒之大過  
奇曰五爲困困賊入矣其焉逃之計其獲日與時皆不  
爽王郎中應奎問命奇曰是火氣太盛若官之南所至  
必有火災後守台州既上三月郡中災十室九燼以疾  
去嘗游歛谷山中仰見玄象歎曰客星犯帝座主急變  
奈何越三日復觀焉則喜曰無事矣未幾逆瑾敗此其  
尤異者他事尚多不備書奇性至孝有所得歸付其弟  
以養母母年九十餘奇爲嬰兒以悅之有嘉果必袖以  
奉然介甚苟非義雖千金不顧也客於燕時館人被誣

繫獄奇爲直之其妻邀夜飲閉門不納明日彼去此留  
古人所難者故人又以古翁稱之古翁自知數奇不愛  
室無子以猶子宗元爲之子

### 凌漢章

凌漢章歸安人精於明堂鍼灸爲人慷慨負義氣見人  
之病如痛在身有迎者雖昏夜風雨無不疾赴砭石所  
授諸患脫然每晨啟門輿疾求治者日數十百人貧者  
未嘗受直故身死之日家無餘貲至今以鍼灸行者皆  
稱漢章弟子然術多不逮矣

海寧衛指揮王載之軒

王軒字載之海寧衛指揮也天性孝友涉獵經史喜吟咏而尤洞精洪範大衍數嘗禦戎海上乘戰艦哨沈家門忽顧左右曰今日有一小變無大恐忽颶風陡作舟幾覆軒方倚柁樓長嘯風息浪平舟竟無恙時千戶潘正者自家來責曰爾來何遲曰今早舉一子是以來遲耳遂按其生時推之笑曰千戶却生指揮矣正訝之後正征姚源寇陣亡子潮陞二級襲指揮巡海副使由海寧來軒卜曰不來或曰見起程出東門矣曰必不來已

而省下報同人皆以爲神每春正元旦卜卦審休咎正  
德庚午得同人爻值游魂歎曰吾其已矣遽訣別僚友  
期日治歛具果卒先是嘗仰屋歎曰朽矣吾不及重構  
正修葺之已而屈指計之曰却後二十年爾時當圯吾  
孫勳值休運能重構也後二十年果重構於勳生平篤  
好文學實語人曰吾衛自開國來百餘年間無以文舉  
者有則我當書將門折桂以贈雖然其在吾門乎當不  
出三十年耳至嘉靖辛卯孫文祿以南書領浙薦去轉  
死時正三十年其占多奇驗類如此



加排

卷之四

陸

光緒

### 陸彥清大朝

陸大朝字彥清海鹽人唐宣公贊之裔景泰間名醫執  
之玄孫也大朝少英敏博通儒籍有用世志其父恐其  
業失傳俾令就醫諸醫經秘方一人目即得其解用藥  
不拘執古方時有所縱合投之病者無不立差至診視  
以決生死雖在十餘年之前時刻不爽一時以爲神醫  
嘉靖間東南大疫所全活幾數萬人監司郡邑諸大夫  
無不神其術重其功請錫以冠帶大朝不屑也尋以高  
壽終子孫得其傳者至今皆稱良醫云

中書舍人錢子仲仲

錢仲字子仲，慈谿人。善詩歌，精篆籀學。有李陽水筆意，性豪縱，家貧而嗜酒，或有餽遺，卽呼所知飲盡乃已。既而避京師，無所遇，困甚，則戲標其所寓舍曰：詩文出賣。適翰林許成名過之，笑曰：京師故多市貨，可買賣，而乃有詩文賣者邪？輒召問曰：吾欲爲汝買詩。仲應題，口占立就，清新雅緻，大見稱賞。嘉靖戊子，應六書試，桂冢宰華命作治河說及秋興八首，跋仲是首選，發史館修錄。大學衍義書成，授中書舍人。

聶瑩

聶瑩，麗水人。少習舉業，不就。去而習軒岐家言，得湖州凌漢章針法，針至病起，雖厚皮可按穴而定，不以錢帛介意。人稱神醫。至今門人多有得其術者，與凌氏並行。海內云。

俞天錫子舜臣附

俞恩，字天錫，錢塘人。號江村居士。善畫人物、花鳥，性質直疎散，不喜治生。描染移時輒復中止。故其画雖嘉而所傳不多。子舜臣，字治甫，喜觀長流，疊巘，號海峯子。工

山水人物着色翎毛花卉尤爲精絕

### 賀汝瞻岳

賀岳字汝瞻少業儒因母病求醫弗效乃盡購岐黃書讀之四方國手悉訪從遊遂精醫術母獲壽康後鄉黨凡有疴厲爭迎岳視之圭勺一至隨手奏功著有明醫會要醫經大旨

### 岑乾 郡甲附

岑乾餘姚人童時嘗從父游武林或竟日他往家人怪之乾曰有羣兒呼與奕自是頗異後遊京師與顏倫奕

累勝之。倫當時稱天下第一手。而乾由此顯名。然是時  
倫已向衰。乾亦時時語人曰。與顏倫奕。必謝絕人事。養  
十日精力。乃可。乾馳名早。人謂之小岑。惜未及四十卒。  
未見其止也。於時餘姚又有邵甲者。中年奕。陡進。日月  
異。最後讓乾一路。乾甚忌之。先乾卒。